

理詠堂集卷之五 目錄

五言排律

寄懷杜茶村

客夜

秋夕書懷

送張阜樵民部入都

虎丘晴望同鈍翁作

呈旌陽戎以剛明府

新晴遣意

楊子津殿塔新成

宗子發自易山入郡

別淮陰諸兄


送李木菴太史還朝

雨夜獨坐

贈沈長垣別駕

傳經堂為卓火傳作

秋鷹二十韻



理詠堂集卷之五

廣陵喬寅東湖著

五言排律

寄懷杜茶村先生兼謝去冬爲拙稿作序

一代文章伯平生湖海人從游多不賤旅食肯辭
貧伏臘空流涕鶯花暗損神行吟殘照外獨立大
江濱事往餘孤劍途窮哂逸民客愁終必散吾道
豈長屯北眺懷嵩華南遊指浙閩此時開倦眼何

理詩堂集 卷之五
日起垂綸憶昨來隋苑深冬歷五旬追隨情屢愜
懷抱黯相親寒夜攜筇至荒齋洗盞頻謬承長者
顧甚荷丈人真著述知何有吹噓已越倫寸心慚
未報良會歎無因別後仍飄泊年侵倍苦辛去留
俱失意動靜不由身咫尺河山渺崢嶸歲序新叫
羣瞻過雁索處負佳辰清月通宵夢玄亭遠世塵
定期重載酒斟酌待王春

宗子發自易山入郡卽送之吳門兼寄魏叔

子

聞叔子由西江再過
吳中子發特往相訪

澤國歲頻稔先生獨苦饑行吟神自王衰白數猶
奇孰測鯤鵬息寧無燕雀欺世情真可見天意竟
難知謀食妨高臥懷人肯後期客亭欣晤對倦羽
易參差又鼓蘇臺棹翻增宋玉悲同心仍契闊多
病失追隨到日愁應慰經年信屢疑山城屯虎豹
江館雜蛟螭豈意穿烽燧重來話別離脂車今不
遠載酒定何時雁外吳烟接帆前浦月移停雲秋

冉冉歸路晚遲遲想剪西窗燭空板凍柳枝因君
報孺子為道極相思

客夜

空庭竹影斜初月在鄰家寂寂窺游子輝輝帶斷
霞良宵嗟易失歸思浩無涯迹竟同沾絮期非待
及瓜倦依臨水寺愁對殿春花病起仍妨飲村醪
久不賒

別淮陰諸兄

垂老諸兄弟分飛各一方此行悲道遠昨夜愛更
長淮浪飄帆影湖烟黯曙光因人真碌碌謀食亦
茫茫喪亂身將隱耕漁業久荒愁邊有鴻雁風急
不成行

秋夕書懷奉寄外舅昕菴先生二十韻

鄉書傳未至連雁過湖干高館剗扉掩空庭夕照
殘風威彫錦樹霜氣薄叢蘭對此嗟遲暮淒其失
所歡乾坤腥戰血井邑走狂瀾蚤歲思投筆長歌

想據鞍數奇淹寂寞頭白只辛酸常恐填溝壑誰
能借羽翰故園翻就庶旅食強加餐落落嗔流輩
悠悠愧伐檀深懷三徑好敢覓一枝安遊從依詞
伯招邀在考槃花時春院靜暇日酒杯寬憶昔辭
南浦于今感百端慚無青玉案莫報翠琅玕冷月
窺頻滿清秋倏又闌世途憎坎壈生事益艱難有
淚客中盡無衣江上寒竹窗燈耿耿烟海夜漫漫
欲寄窮愁作多應不忍看

送李木菴太史還朝

蘭殿資良弼彤樓想玉珂頻傳虛左席未許眷巖
阿鳳翥蓬萊閣鶯遷雨露柯盤根承相業發軔自
鑿坡家學源流遠先公著述多遺編勤考釋舊史
費搜羅彪志真能繼談書遂不磨每逢開篋笥時
共醉烟蘿頗快追隨久其如離別何兼程趨紫禁
當暑渡黃河從此雲泥隔長懷風雨過賡揚有餘
暇萬一念漁蓑

送張阜樵民部入都

中朝熙庶績畫省倚羣賢蚤歲騫孤鳳循資且十年
端居籌賦役持論見經權綱舉情難遁條分弊已捐
誰能陳疾苦君獨切仔肩捧檄星文動脂車物望懸
天教作霖雨河潤及林泉兩載追陪數都忘節序遷
歡場相角逐清夜共留連幾日疎良覲三秋思眇然
方欣同載酒惆悵是離筵路指青林外涼生白露前
遠懷空脉脉新月正娟娟重把臨

岐袂長安在日邊

雨夜獨坐

颯颯江風怒冥冥暮雨繁蕭森悽客耳幽獨似山
中趙壹囊頻罄相如壁不存有懷看短劍無伴想
樽得食豺狼鬪爭枝烏鵲喧烟塵迷郡國天地
失朝昏貧病將奚適安危孰與論長謠思遯世未
報故人恩

虎丘晴望同鈍翁作

微雨過前浦歸舟向半塘嵐開羣岫出風定落花
香遠水浮春氣高樓載夕陽石梁松徑外樵舍竹
林旁憑眺生悲感閒吟戀景光池臺迷故址丘墓
隱僧房吳子雄圖盡王郎舊業荒觀空俱若夢不
醉老何鄉莫以羈愁集因令野興妨生公亭畔月
好在共傳觴

贈沈長垣別駕

沈時署
涇縣篆

索處誰相訊蕭然訪故人湖流輕浩渺躋險越嶙

峒地僻村墟迥岩香蘭蕙春抱愁眠獨夜含思對
佳辰漸喜琴溪近遙看物色新分符來上佐按縣
得祥麟歛浦方瞻約宣州已借恂澄潭花灼灼淺
瀨石粼粼寄興風烟否應裁雲月頻名高行剖竹
別久尚垂綸覓句終何益攤書倍愴神里閭憎暮
齒風俗薄長貧草乳門前雀衣懸肘後鶉徒聞誇
管鮑無復重雷陳自笑疎慵甚惟君意氣真屢過
沾泛愛何計起沉淪悵望空懷舊遲迴怯問津驛

程江外遠黃海夢中親獻歲乘幽興飄蓬任此身
他鄉欣把袂卽次免思尊靄靄烟林秀熙熙井邑
淳敬亭連疊嶂宛水接比鄰謝眺山猶在瞿劭迹
未湮還期同嘯咏一爲繫征輪

呈旌陽戎以剛明府

問訊梅溪路遙聞茂宰賢里間知揖讓韋布與周
旋甬上文章重朝端倚望專鴻猷將補衮小邑且
鳴絃每欲趨吟閣其如滯釣船蹉跎黃海畔惆悵

練江邊跡類陶元亮才非王仲宣登樓空有感乞
食許誰憐尚抱尋山癖頻教蠟屐穿捫蘿過鉢院
捨策及溫泉暝返丹臺麓朝躋石鼓顛未窮幽壑
勝忽別斷崖前石僻行難遍秋殘思渺然洋湖仍
契闊松谷想留連夙約今須踐因人序屢遷喜鄰
花縣近况藉筍輿便不敢淹安邑曾期訪偃佺飄
零畏州府衰白慕神仙目極林皋路晴開雨雪天
倘沾君汲引從此遂攀緣

傳經堂爲卓火傳作兼送之歸塘西

堂構承三世縹緗炳六經簡編留手澤風雨妥先
靈徑草春生帶窗芸夜聚螢祖孫看濟濟伯仲共
亭亭稽古成彪志聞詩在鯉庭澄波當檻碧老樹
覆檐青憑几開書櫃揮毫對翠屏幾年虛左席昨
日渡中泠旅舍同人聚高言此夕聆追陪欣把袂
惆悵復揚舲別路知非遠離樽恨易醒江皋相望
處遙指少微星

新晴遣意

開歲來邗上江天日日陰今朝殘雨散忽忽已春
深落絮縈蒼蘚初陽媚碧岑遠愁渾未減歸思更
難禁懷抱誰相許蹉跎直至今但期除薈蔚端不
爲飛沈那免嗣宗歎空歌梁父吟人輕和氏璞俗
重漢嘉金有耻從飄梗無才愧盍簪風扉頻徙倚
水榭倦招尋戲蝶過蔬圃啼鶯出柳林連翩如有
意百轉亦何心研北虛佳日淮南滯好音閒窺青

鏡裏漸覺二毛侵

秋鷹二十韻

社集限韻

鍾丘萬里翮渡海掠霜臯積怒金飈動

新書鷹積怒而後全

剛生

先聲錦樹號將飛方翼伏迅舉忽身高肅殺行

秋令驅除藉爾曹草間翮免窟雲際落鵬毛怪鳥

深藏匿妖狐巧遁逃誰云兄事鷓直欲僕呼葵百

中元無敵孤吟亦自豪胡爲羅網得奈此臂韝牢

巢遠寒巖路心搖溟渤濤飽颺應有待饑附偶相

遭顧盼神猶王拘牽爪屢搔指麾隨所使搏擊敢

辭勞猛氣騰枯野雄風響寶刀獲多蒙上賞獵罷

飼餘膏側目看寥廓依人久鬱陶幾時開一面縱

汝脫雙條飲啄憐驚雀陽和化老饕斷聯傳聖哲

斥賣戒遊遨外按名何有川原靜不囂

楊子津殿塔新成

壯觀傳楊子春帆挂曉風蚤聞經始後不與舊時

同地湧高標麗翬飛傑構雄升階列遠岫倚檻俯

理詠堂集卷之五
征鴻鐵鳳騰雙闕金鈴語半空更穿花徑轉徐步
畫樓東曲曲朱欄引遙遙石磴通層軒出林表芳
榭漾波中雜沓喧游女攀躋仗短童天顏曾有喜
物力信無窮已踞邗江勝真成不日功翠華將駐
蹕梵刹是離宮

理詠堂集卷之五

目錄

五言絕句

野老

秋夜

漸江旅亭二首

鳩茲江上曉望

觀穫

歲暮寺寓二首

客中吟

月夜

再過淘上懷吳野人

夏鎮舟中

蠅

雨

堤上行

涇溪舟中

中阜寺送客還家

飲蔣前民

題徐槐江金焦圖

送春前一日作

旅夜獨坐

同澹山訪前民

砧聲

送董昌裔返袁浦

古槐

蟋蟀

任城不見螢火

秋漲二首

浣筆泉

飲九如堂夜歸

殘蟬

竹有花

登東山五華頂

還廣陵

將歸故園

溪竹見杜鵑盛開

淮陰留別

題畫

錢塘別朱說臣

蚤發口占

江郎三片石

荔枝四首

閩舟謠

相逢行

山行

醉吟

秋熱二首

歸來二首

所思

晚泊南陽湖二首

雜詩十四首

歲暮枕上口占

采菱曲二首

理詠堂集卷之五

廣陵喬寅東湖著

五言絕句

野老

野老結茅處荒林寒渚邊朝來風色惡吹轉釣魚

船

堤上行

長堤三百里一綫與波平為是京華路春風草不

生

秋夜

虫聲出紙窗淙淙若風雨展轉不成眠秋夜長如許

涇溪舟中

沙白汀如雪岩香草是蘭故人家不遠尚隔兩重灘

漸江旅亭

早
驕人心易悲旅亭天易曉虫語短墻陰似說秋風

昨
秋風卷葛衣朝來不堪著還理舊綈袍范叔貧如

中阜寺送同寓客還家

樽
看君攜短策踏雪向山村今夕寒燈下孤斟此一

鳩茲江上曉望

理詩堂集 卷之五
路出荒亭右春山曉未分遙看雙鷺起衝破一江雲

飲蔣前民

賢聖俱黃壤英雄也白頭相逢惟痛飲不復更言愁

觀穫

長貧無稔歲久矣硯田荒小立衡門外看人厭稻梁

雨中題徐槐江金焦圖便面

焦
風雨暗江橋雙峯入夢遙君攜輕箑至指點見金

歲暮寺寓

起
長河水腹堅朔風鳴未已竚立望飛鴻目斷江烟

去
故人先後歸招尋復何處徘徊野寺前愁向城中

送春前一日作

荒徑有新月清樽無故人明朝臨野水忍淚送殘春

客中吟

野店溪驚夢山橋雨洗春可憐垂老客事事不如人

旅夜獨坐

夜深羣動息獨坐此空亭短髮從他白孤燈向我

青

月夜

途窮無快事月好是殘秋不分孤眠夜輝輝故滿樓

同澹山訪前民值其偶出沽酒相待

郊扉秋滿地不待主人開沽得村醪至先傾緩緩

杯

再過淘上懷吳野人

孤 把酒論詩處茅堂近亦無范公隄上月夜夜一輪

砧聲

行 日夕涼風發家家雙杵鳴羈人眠不穩起向月中

夏鎮舟中

雲 江楚千艘集徐滕一水分飛來湖上雨半是嶧山

任城送董昌裔返袁浦

處 君理來時裝我憶來時路到日解征鞍是我別離

住 分手出城東行行入烟樹汶水亦隨君南流不肯

蠅

喜 夜夜緣壁間索索響不已惟有北歸人見汝心亦

理言堂集 卷之五 五
古槐

九夏忘炎暑繁陰覆屋多南柯有大郡誰向夢中
過

雨

簷雨滴深夜愁人臥旅亭寒蠶與落葉淒絕尚堪

聽

蟋蟀

官舍掩重門夜久燈花謝蟋蟀聞愁吟相答吟牀

下

任城不見螢火

如何秋欲暮不見一螢飛似恐滄江客心傷來歲
歸

秋漲

百派朝宗水南奔滙楚州那堪浹旬雨日夜長寒
流

水聲喧達曙千里送愁來聞說淮南路饑鴻處處

哀

浣筆泉

把卷懷詞英捫策尋遺蹟荒荒檜栢間寒泉一泓

碧

蟬

飲露非求飽吟風豈不平如何當溽暑終日向人

鳴

殘蟬

不逐秋風去還鳴灌木顛兒童故無賴受侮有誰

憐

飲九如堂夜歸

高館春燈聚傳杯永夜留此鄉無醉尉歸晚不須

愁

登東山五華頂

疊石接春空幽岩處處通果然登絕頂魯國彈丸

中

竹有花

已卯四月東郡竹皆花

修竹今始花垂垂將結實鳴鳥久不聞來期知有

日

將歸故園復有燕山之約

已作南歸計翻期北道行酒人半零落我欲訪荆

卿

還廣陵

失意返舊林何與交親事尋常來往人相思無一

字

淮陰留別

各有人間事來期安可論鶯花春爛熳相對飲離

樽

溪行見杜鵑盛開

溪水從山姓岩花共鳥名倚舷紅刺眼高處與雲

平

錢塘別朱說臣

舟子移輕舸停橈待客行
離筵俱未醉江上暮潮生

題畫

亭亭白芙蓉冉冉開
秋曙中有雙鴛鴦人來不飛去

江郎三片石

江郎三片石矗立石門西
石上月未落
啼

蚤發口占

客子侵星發勞勞悵曉行
誰知林影外已有桔槔聲

閩舟謠

五月三山郭枝頭佛手香
計程十二日蚤已到錢塘

荔枝四首

次第熟薰風相遺滿竹籠
孟秋連仲夏日日劈輕

紅

林露摘猶濕山風吹更香當年蘇玉局為爾戀炎方

思

楓亭種最奇晚熟不嫌遲復有江瑤柱他時並繫安
香色經宵變封題寄遠難憶從天寶後無復到長

山行

溪雲凝不流竹露宵已滴何處一聲鐘帶月來青壁

相逢行

忽聞故鄉音下馬生驚喜雖不識其人心知是同里

秋熱

涼堂自空闊奈此鬱蒸何頓覺微風減翻因驟雨過

倦極展湘簟何曾得穩眠庭隅兩株柳聒耳亂秋

蟬

醉吟

徐步來花徑兼程到醉鄉木蘭詩未就高枕臥繩

牀

所思

葉凋原野闊氣肅星辰高開篋亦何有所思在縑

袍

歸來二首

歸來倦眼迷舊路沒蒿藜愁聽鄰家子門東索飯

啼

陋巷貧家女妝成還自疑學梳高髻出終不合時

宜

雜詩十四首

四載返鄉園故舊半零落夜夜清夢中攜手還如

昨

出門見車騎被服何楚楚乃是東家兒少日愚且魯

有能有不能長短難軒輊鷄癰與豨苓以時各爲帝

金錢日司權誰爲不愛者黠鼠爾何知牀頭數中夜

熒惑留氏中歲星亦失次曾問泰西翁不與人間事

隱几方晝瞑童子多戶入云有催租人不似尋常客

布穀日夜鳴耕種從茲始老夫如不聞田園在波底

重露濕秋蘭缺月挂烟閣遼遼夜未央臥聽東城鐸

以君金錯刀易我盤龍鏡我欲借其光君當執其柄

西風捲豆棚敗葉蕭蕭響夜久忽無聲覆在頽垣
上

烟林絡緯啼苔砌寒螿叫相應似相求同聲不同
調

怪爾胠篋人穴壁穿寒雨何物可贈君取我青毡
去

饑寒非所憂別有傷心處鬱鬱向誰論獨倚庭南
樹

街鼓斷行人鄰犬吠寒月垣缺短籬遮北風正凜
烈

晚泊南陽湖二首

東山聳翠屏西風凋碧樹北雁已南翔南人方北
去

勞勞于役人寂寂清秋夜輝輝冷月中黯黯孤篷
下

采菱曲二首

郎愛菱葉肥儂愛菱花潔采菱不采花花繁白如雪

歡搖艇子來去踏南湖藕爲問泥淺深寒刺傷儂手

歲暮枕上口占

行 豈是愁難遣頻教夢不成門前來往路終夜有人

理詠堂集卷之五 目錄

七言絕句

懷宗子發射陽懷古

過蕭靈曦新居月夜

子規真州浣紗祠

采蓮曲二首秋夜聽琵琶

揚州柳枝詞四首烏龍潭看桃花

廣陵春日長干塔

落星岡燕子磯

莫愁湖

赭山仲冬歸故園

宿黃山北斗菴落梅

觀姜學在課僮掃除河決後之易山

重過小吳軒東洵感舊

秋夕

濟寧城西

南池

睡起二首

冬暖

寒夜

春思

題王檀子畫卷

寄懷董大正

登清涼臺

堤上榆錢

紫帽山

曉過雙魚溪

送何元祉之燕二首

光福留別

津亭

示僕

宿歇馬亭

贈歌者二首

枕上口占二首

問鐘

曲阜道中

落日悵望

寄懷董克綏

寄懷董修古

迷樓故址

瑞相寺

泉州蚤秋

期鄭小白遊清源

水漲後訊湖村諸子

玉峯道中

偶贈

泊韓侯釣臺

夜泛

燈船

竹西亭二首

登三汊河浮圖

虹橋秋夕

郊園看芍藥

棲靈寺

覽鏡

隨分

題仁宅上人黃山圖

南徐

戲咏泥美人

芙蓉

理詠堂集卷之五

廣陵喬寅東湖著

七言絕句

懷宗子發

江干日日望歸舟
晨起還登江上樓
二十四番風雨後
一番花信一番愁

過蕭靈曦新居

為訪幽居策短藤
徘徊巷口問蘭陵
聞聲蚤已知

理詩堂集 卷之五
余至纔到松扉叩卽磨

射陽懷古

遠矣射陽雙烈士維舟湖畔一欹歔孔彰豈識臧
東郡空枉紛紛六紙書

月夜

欲買青山未易論聽殘鄰杵月侵門秋光如此堪
謀醉故物空餘老瓦盆

子規

江皋風雨洗殘春杜宇聲中夜向晨爾已無家歸
不得却來枝上惱行人

采蓮曲

十里紅蕖漾碧波隔花遙聽越人歌不愁曉露沾
羅袂只恐鷄頭菱角多
渡口風來水濺衣藕塘落日促人歸小姑故欲停
雙槳貪看鴛鴦對對飛

真州浣紗祠

一諾從來許殺身不圖巾幗見斯人浣紗復有溪
邊女能使君王棄老臣

秋夜聽琵琶

月落風林早雁飛四絃嘈切送將歸悲涼三十年
來事此夕燈前淚滿衣

揚州柳枝詞

湖風淮浪引牙檣好向江都入夢鄉柳下長堤堤
上路無邊秋草接雷塘

河橋折盡綠楊枝不遣春風故故吹更厭階前紅
芍藥爲他小字是將離

夾岸荷花映碧流畫船簫鼓日來遊風吹笑語聞
前浦半是營州半歙州

歌吹於今幾變更繁絃急管雜邊聲無端驚醒愁
人夢滿地霜風月不明

廣陵春日

茅屋三間晝掩門猶嫌車馬往來喧乘春更欲移

家去不向山村卽水村

烏龍潭看桃花

選勝潭西布綺筵深紅淺碧繞樽前不知何事縈
懷抱兩見桃花獨惘然

長干塔

九重鈴鐸立寒空爲報慈恩築梵宮感得皇孫能
解脫披緇行脚老滇中

落星岡

只合沈冥老醉鄉披荆還上落星岡如今那得頻
呼酒不是裘無舊鷓鴣

莫愁湖

弱柳垂垂曉霧收半湖春水泛閒鷗旅人也覺羈
懷減始信盧家有莫愁

燕子磯

烏衣門巷已全非江上猶存燕子磯應念雕梁無
舊主羞將倦羽傍人飛

理言堂集 卷之五
四
螺磯

磯壓螺宮怒未平
西風落日送江聲
漁舟賈舶時來往
浪說孫劉指廢城

赭山

射雕塵暗赭山青
走死降王醉未醒
長恨汴京淪異域
東南尚有小朝廷

宿黃山北斗菴示同遊諸子

紫屏月塔隱崔嵬
千里關心得得來
山樂鳥鳴天

欲曙蚤攜輕策上丹臺

仲冬歸故園

歸臥茅檐更不疑
吟殘遙夜一燈知
分符乘傳非容易
瓦枕繩牀頗覺宜

落梅

一樹梅花傍水涯
東風吹落滿閒階
亭亭標格終難污
雖復飄零也自佳

可中亭觀姜學在課僮掃除

理言堂集 卷之五 五
忽忽春歸可奈何林風山月費消磨閒來頻掃亭
前石豈爲遊人藉卉多

重過小吳軒

灌木陰森鶴澗邊山樓相望尚依然莓苔舊路尋
將遍不到雲岩十一年

河決後之易山

烽火天涯苦未休每思澤國覓菟裘從今不作易
山夢葦岸無村可繫舟

東海感舊

拋盡田廬歎逝波重來疑是夢中過秋風蕭索斜
陽冷依舊汀洲雁鶩多

秋夕

折得秋花手自攜涼風初起日沉西朝朝苦被童
蒙聒偃臥虛堂厭鳥啼

示僕

聞爾言愁始欲愁衰年旅食果何求故鄉此去千

理言堂集 卷之五
餘里開到黃花一樣秋

濟寧城西

柳夾長堤拂水齊
軟塵不到板橋西
獨憐倦鳥投林急
危葉風枝得暫棲

由任城之泰安宿歇馬亭

秋風明月滋陽路
落葉寒原緩緩行
我友此時遙對酒
定疑今夕宿堽城

南池

城隅官柳隱河橋
池上空亭閉寂寥
爲是杜陵吟咏處
徘徊不惜暮歸遙

贈歌者

把袂休辭金屈卮
晚風庭院落花時
南歸他日如相憶
紅豆年年發故枝

聽罷長歌亦解愁
沉沉清夜改更籌
曾爲崔九堂前客
回首天涯感舊遊

睡起

理讀書集 卷之五
懷葛黃農繫我思北窗潛往少人知
茫茫浩劫今何代猶見標枝野鹿時

此身飄泊老何鄉午夢初迴白日長
起向堦前微雨散滿庭風送棟花香

枕上口占

華館燒燈照夜分哀絲豪竹遏行雲
愁人此日愁無際縱譜新聲也厭聞

笙歌散後夜堂空倦枕愁眠剩此翁
歸夢迢迢越

淮浦一天霜月雁聲中

冬暖

任城至後無冰雪暖日輝輝遍里間
試問行人來魯郡東門曾見止爰居

聞鐘

枕上相聞秋復春朝昏歷歷報愁人
孤雲來去無依著尚覺林巒隔一塵

寒夜

豈獨天涯行路難
鄰雞未唱夜漫漫
向來賓客歡呼處
絲竹無聲夏屋寒

曲阜道中

亢父城東一日程
乘春始挽鹿車行
相逢袞袞章縫者
借問誰爲魯兩生

春思

故國田園寢已蕪
二千里外一身孤
欲營避世耕漁地
趙北燕南果有無

落日悵望

飄蓬斷梗兩相依
徙倚躊躇萬事非
日日城頭看落照
幾曾攜得夕陽歸

題王檀子畫卷

攜手花間取次行
不知誰是最鐘情
休將歌咏傳南北
恐有人聞絕代名

寄懷董克綏

河濱握手停歸棹
別渚蒼茫細雨中
一臥茅檐春

復夏樽前曾否憶衰翁

寄懷董大正

春來濟上遲歸計
秋後江皋滯好音
欲訪故人將艇子
南河水淺北河深

散步

東郊散步踏斜曛
隔岸鶯聲遠近聞
誰信春風有搖落
柳棉花片正紛紛

登清涼臺

白門黃葉晚蕭蕭
六代虛無王氣消
嗟爾長江自今古
幾將天險誤南朝

迷樓故址

東風吹暖柳花新
隋苑荒岡復暮春
江上數峰天際碧
當時相對畫眉人

隄上榆錢

誰教貫朽委泥中
幾費東風鼓鑄工
河決歲糜三百萬
可能輸去佐司空

瑞相寺

佛像鑿山壁爲之寺
今廢山前有望州亭

嗟峨瑞相倚雲屏
螺髻猶存苔蘚青
衲子不歸山寂寂
秋風秋雨望州亭

紫帽山

紫帽橫拖十二峯
一峯晴見一芙蓉
秋來相望生愁思
山寺月明傳晚鐘

泉州蚤秋

異地新秋又一年
故園消息更茫然
嶺頭縱有南

來雁不到溫陵瘴
海邊

曉過雙魚溪

冥冥風露滿春溪
艸路依微曉望迷
行過板橋天欲曙
亂山橫黛鷓鴣啼

期鄭小白遊清源

客亭官舍共淹留
只有登臨可散愁
已約山靈待遊屐
幾番風雨報新秋

送何元祉之燕

雞聲膠角催天曙千里行人起束裝飯罷燈前齊
上馬長堤月照五更霜

禹跡茫茫今已非朝宗無路覓東歸誰能此日陳
區畫蒿目淮南有布衣

水漲後訊湖村諸子

棟宇欹傾竈產蛙相過應不識君家蚤聞婚嫁俱
難緩積水田園望歲賒

光福留別

歷亂春愁倍黯然歸舟猶繫晚峰前虎山橋畔輝
輝月不照梅花照別筵

玉峰道中

曉挂輕帆別洞庭湖風吹面酒初醒吳門東去羣
峯斷惟見崑山一點青

津亭

移席津亭坐夕暉殘樽未盡莫言歸秋風萬里來
淮水只在飄颻客子衣

偶贈

燈前一見惜輕盈十二秦樓未得名却怪王孫重
殊色誰知淪落有傾城

泊韓侯釣臺

孤舟帶月維堤下風聲水聲亂秋埜堤上人家千
百家借問誰爲釣魚者

棲靈寺

隋苑虛無秋色中尚餘梵刹識離宮遊人落日向

城去黃葉滿山來晚風

夜泛

高秋載酒偏宜夜有客長吟獨扣舷孤月光中波
不定百蟲聲外草無邊

覽鏡

誰能抑鬱老江皋覽鏡驚看有二毛我欲寄愁天
上去九閨雲鎖碧空高

燈船

理詩堂集 卷之五
華燈爛熳引蘭舟
泮水年年助勝遊
粧點太平如此夜
人間不信有窮愁

隨分

隨分孤眠陋室中
互鄉人笑此衰翁
餘生不是無歸處
難把堅冰語夏蟲

竹西亭

查查浦太史招集平山堂分賦

草徑微茫接遠汀
雨餘岡阜竹林青
十年飄泊關山客
回首春風隔此亭

猶是繁華江上城
于今歌吹變新聲
竹風送入愁人耳
獨倚荒亭百感生

題仁宅上人黃山圖

欲往仙源未拂衣
黃山深處有禪扉
披圖更憶寒宵夢
翹首天南一雁飛

登三汊河浮圖

矗立河濱鎖碧流
無邊春色望中收
圖澄若在應饒舌
鈴鐸風來語不休

南徐

水送山迎控楚吳南徐信是古名都于今形勝全
無用伐荻新洲老寄奴

虹橋秋夕

橋西纖月挂涼烟疎柳殘荷秋滿船四十年來觴
咏處至今贏得幾人傳

戲咏泥美人

憑將妙手見傾城甲帳橫陳似有情可奈息媯終

不語難傳密意報卿卿

空施粉黛鬪紅粧豈有銷魂蘭麝香羣倚市門調
過客未知何日嫁王昌

疑是巫山春夢中分明小立對花叢如何相近疎
簾外不解回頭面發紅

翠袖明璫結束新居然毛鄭是前身從來艷色都
如此處處青山有麗人

郊園看芍藥

渡水穿林日已斜
送春春遠惜餘花
那知更有傾城艷
不屬姚家與魏家

芙蓉

獨拒繁霜氣未降
幾年遠夢涉秋江
于今並蒂人何在
怪爾花開猶自雙

